



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCCXXX. De Occisione LV. Lethowinorum.

**urn:nbn:de:hbz:466:1-11850**

multi utriusque partis graviter vulnerati fuerunt, & Fr. Th. de Piremont occisus & plures de infidelibus interfecti.

CAP. CCCXXVIII.

De

*Suburbiorum destructione Castrorum.*

*Junigeda & Pista.*

Anno Domini MCCCXVIII. in autumno frater Henricus Marschalcus cum magno exercitu venit ad castra Junigedam & Pistam, & utriusque suburbia, quæ tunc frumento de novo introducto superabundabant funditus cremaverunt.

CAP. CCCXXIX.

De

*Exustione suburbii castri Junigede.*

Anno Domini MCCCXIX. post festum Pasce idem Marschalcus cum multis fratribus & pugnatoribus navigio veniens, voluit castra Junigedam & Pistam expugnare; sed cum ordinatio ab ipso statuta, quæ ad hujusmodi impugnationem fuit necessaria, debito modo non servaretur, indignatus omisso castro Pista, quingenti viri occultè accesserunt ad castrum Junigedam & inveniunt ipsum præmunitum, solum ejus suburbium, subverterunt.

CAPUT CCCXXX.

De

*Occisione LV. Lethowinorum.*

Hoc anno cum esset aquarum abundantia in solitudine David Castellanus de Gartha cum octingentis viris exiens ad

Ccc 3

bel.

bellum ordinato exercitu suo insidiis, cum LXXX. viris intravit territorium Pruschia, dictum Wohensdorff, & combustis paucis domibus magnam prædam in hominibus & rebus aliis secum duxit. Quos Fr. Ulricus de Drielebe Commendator de Tapiovv, & Fr. Fridericus Quitz socius ejus cum paucis hominibus secutus, fracto prius ponte, quem Lethovvini transire debebant, LV. viros de ipsis occiderunt, & totam prædam, quam tulerant de ipsorum manibus eruerent. Reliqui fugiendo venerunt ad Insidias suas, & omnes perterriti simul recesserunt, totque pericula sustinuerunt in via, quod pauci ex ipsis incolumes sunt reversi.

## CAP. CCCXXXI.

De

*Morte Marschalci & XXIX. fratrum  
& multorum de populo Sambienfi.*

Anno Domini MCCCXX. VI. Kal. Augusti i. e. tertia die post Festum B. Jacobi Apostoli, frater (a) Henricus Marschalcus cum XL. fratribus & equitibus de Sambia & de Memela venit ad territorium Medenicam & dum primi præcursores secundum consuetos mores belli, ipsum transirent per rapinam & incendium devastando gentes hujus territorii, jam paratæ in armis, eos, qui sub vexillo erant constituti hostiliter invaserunt in bello & cadentibus ex utraque parte pluribus interfectis, tandem ipsum fratrem Henricum Marschalcum cum XXIX. fratribus & multis de populo occiderunt. Alii in solitudine errantes per plures dies & noctes consumpti inedia sunt reversi. Fratrem etiam Gerhardum dictum Rude Advocatum Sambiensem indutum

*Anno Domini 1320. leprosi in Francia combusti fuerunt. Referebatur enim quod ipsi veneno aquas infecissent, de quo plures homines & pecora perierunt.*